

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

- I. *Publicanorum resipiscientia.*
 - II. *Phariseorum malevolentia.*
 - III. *Apologia Christi evidentia.*
vel ita:
 - I. *Publicanorum appropinquatio.*
 - II. *Phariseorum murmuratio.*
 - III. *Apologetica Christi peroratio.*
- J. J.

EXEGESIS.

Dominicā proximē præcedente habui-
mus parabolam de cœna magna. Jam
sequitur doctrina, quomodo ad illam per-
venire possimus, nimirum per veram pœni-
tentiam, si cum Publicanis Christum acce-
damus. Refert enim Lucas in prælecta peri-
cope, quod accesserint ad eum omnes Pu-
blicani & peccatores, ut audirent illum, ubi
tria ventilanda occurunt:

I. *Subjectorum specificatio*, quorum
describitur

1. *Multitudo.* Nam omnes Publicani, in-
quit Evangelista, accedebant ad eum, quæ
synecdochica est locutio, intelliguntur enim
omnis generis peccatores, qui ex circumja-
centibus regionibus ad Christum propera-
bant, cuius rei elegantem typū habemus in
Davide, ad quem in exilio veniebant omnes,
qui in angustia erant constituti, & oppressi
ærealieno, & amaro animo, 1. Sam. 22. v. 2.
Ita Publicani & peccatores in magna copia
ad Christum confluunt, eumq; ut ducem &
defensorem suum eligunt. Ipse verò licet es-
set unigenitus Dei filius, Joh. 1. v. 18. & Rex
gloriarum, Psal. 24. v. 8. Publicanus tamen in
clientelam suam recipere non erubuit. Va-
lenti enim non opus est medico, sed ægrotis,
Matth. 9. v. 12. 13.

Sint igitur multi peccatores, sint multa

peccata, multa etiam apud Dominum mi-
lericordia & copiosa redemptio, Ps. 130. v. 7.

2. *Turpitudo.* Quinam erant Publica-
ni? Certè omnium hominum nequissimi &
perditissimi, qui certo pretio vestigalia à
Romanis conducebant, deinde verò supra-
modum immoderatis exactionibus homi-
nes expilabant, ut Zachæus ad Christum
conversus ipse fatetur Luc. 19. v. 8. hocho-
mine male audiebant apud omnes Judæos,
& notioris peccatoribus annumerabantur,
Matth. 18. v. 17.

Si igitur Publicanus es, si peccatores, &
quidem primus omnium, ut Paulus ait, 1.
Tim. 1. v. 15, ne despera cum Caino, Gen.
4. v. 13, ubi exuperat delictum, ibi exsu-
perat gratia, Rom. 5. v. 20. aspice Davidem,
Petrum, Paulum, &c, qui venit ad me, non
ejiciam illum foras, inquit Christus Joh. 6. v. 37.

II. *Facti ponderatio*, nimirum accede-
bant ad Christum. Exemplum hoc imitari
nos convenit. O quam multi inter nos re-
periuntur Publicani & peccatores, sed pauci
ad Christum properant per pœnitentiam,
vix est quem facti pœniteat, & dicat, quid
fecit? Jer. 8. v. 6.

Vos verò, dilecti, accedite cum Publi-
canis, & querite Dominum, dum inveniatis
potest, Isa. 55. v. 6. nec differte convercio-
rem de die in diem, Sir. 5. vers. 8. Christus
est unicum propitiatorium, Rom. 3. vers.
25. & cornu salutis, Luc. 1. vers. 69. quem-
admodum igitur in V. T. servabantur, qui
ad aram confugientes ejus cornua appre-
hendebant, Exod. 21. v. 14. 1. Reg. 2. vers.
28. Ita qui ad Christum confugit, ab exti-
tio & morte æterna servabitur, factus enim
est nobis in sapientiam & justitiam, in san-
ctificationem & redemptionem, 1. Cor. 1.
vers. 30,

III. *Scopi*

III. *Scopi designatio*, cur accesserint, nimirum ut audirent Christum, & ex concionibus ejus tamen consolationem quam informationem perciperent, quomodo imposterum pie vivere & Deo servire debeant. Hactenus audiverant Johannem Baptistam, qui malleo legis conscientias ipsorum pulsaverat, & omnes ordines & status sui officii admonuerat, præsertim Matth. 3. v. 8. quam concionem etiam Publicani & peccatores audiverant. Proinde nolunt amplius differre suam pœnitentiam, & si ad radicem arboris securis jam tum posita est, cogitant, periculum certè in mora erit, nam quocunque loco ceciderit arbor, jacebit, Eccl. 11. v. 13.

Videmus hinc quid faciendum sit illis, qui ex insinuatu Diaboli & carnis infirmitate in peccata graviora prolapsi æterno exitio se ipsum obnoxios reddiderunt. Non audiant Diabolum, qui ipsum jubet desperare, non carnem quæ fraudet in via peccatorum pergere., sed Christum audiant, qui dicit: venite ad me omnes, qui laboratis & onerati estis, ego reficiam vos, Matth. 11. vers. 8, & pallio justitiae suæ omnes iniquitates nostras tegere potest, Ps. 32. v. 1. surgat igitur primò Johannes Baptista, & legem acuat, deinde succedat Christus oleo gratiæ & vulnera liget, ne desperet peccator, sed per fidem servetur ad vitam æternam. Scilicet hic ordo est, quem Christus instituit, ut primò pœnitentia, deinde remissio peccatorum in nomine ejus prædicetur, Luc. 24. v. 47.

De Secundo.

Fuit Publicanorum resipiscientia, sequitur *Pharisorum malevolentia*, murmurabant enim & dicebant: Hic peccatores recipit, & manducat cum illis, quæ ipsorum verba sunt

1. *Verba emulantium*, invident enim Christo ejusdemque discipulis consortium humanum, quod Publicani ipsum accedebant & doctrinam ejus approbabant. Hoc ipsis quasi innatum & congenitum erat, ut exempla testantur, Luc. 19. v. 7. Matth. 9. v. 11. 12. Luc. 6. v. 2. Matth. 21. v. 15. sed etiam plures hodie laborant hoc morbo, dum plerunque pauperes adversus divites, inferiores adversus superiores, indocti adversus doctos murmurant, iisdemque sortem & felicitatem suam invidere animadvertisimus, Eccles. 4. v. 4.

Caveamus igitur, ne simus murmuratores querulosi, Epist. Jud. v. 16. multò minus adversus Deum murmuramus, sicut quidam eorum murmurabant, 1. Cor. 10. v. 10. nec invidemus invicem, Galat. 5. v. 15. sed quilibet contra se murmuraret & contra peccata sua, Thren. 3. v. 39.

2. *Verba subsannantium*. Erat Christus imago invisibilis Dei, Col. 1. v. 15. & character substantiae ejus, Ebr. 1. v. 3. immo Deus benedictus in secula, Rom. 9. v. 5. nihilominus Pharisei ipsum adunco naso suspiciunt, & adeo floccipendunt, ut nomen ejus appellare sibi opprobrio ducant. Hinc simpliciter pronomen hic usurpant: *Hic inquiet, peccatores recipit, & manducat cum illis.*

Tales hodie multos invenias, qui volunt *απεισένειν τοῦ ἀπειρόχοι εμπειρεῖν αὐτῶν*. Sic Gaal despexit Abimelech, Jud. 9. vers. 28. Goliath Davidem, 1. Samuel. 17. vers. 43. Haman Mardonium, Esth. 5. vers. 13. sed quis es tu, qui judicas servum alienum, Rom. 14. v. 4. potius obligati sumus, ut si quis præoccupatus fuerit delicto aliquo, instauremus ipsum Spiritu mansuetudinis, nosmetipos consideremus, ne & nos temtemur, Gal. 6. v. 1. 2. 3. 4.

Bb

3. *Verba*